

## Blachi di instruccion 1 Ami como baby



Ta pertenece na actividad 3.1

### Bo yiu ta siña:

- tene un combersacion;
- cu tin diferencia entre un baby y un mucha.

### Bo tin mester lo siguiente:

- Potret y/of pelicula di bo yiu como baby.

### Kico bo ta haci cu bo yiu:

#### STAP 1. COMBERSACION

Tene un combersacion cu bo yiu tocante tempo cu e tawata baby. Ehempel di algun pregunta por ta:

- *Ki dia bo yiu a nace?*
- *Unda bo yiu a nace?*
- *Cuanto bo yiu a pisa ora el a nace? Cuanto e largura di bo yiu tawata?*
- *Kico e dokter/verpleegster a bisa ora bo yiu a nace?*
- *Con bo a sinti bo mes ora bo yiu a nace?*
- *Kico bo yiu tawata come/bebe tempo e tawata baby?*
- *Cua tawata e cuminda preferi di bo yiu? Esey ta diferente cu awo?*
- *Cua tawata e co'i hunga preferi di bo yiu? Esey a cambia?*
- *Ki tempo bo yiu a cuminsa sinta? Gatia? Cana? Papia? A haya su prome djente?*

#### STAP 2. POTRET Y PELICULA

Wak potret y pelicula di baby hunto cu bo yiu. Duna bo yiu un potret di dje como baby pa e hiba scol.